

重修南和縣志序

廩夫邑之有志所以志一邑
人物山川之盛即以寓彰善
瘴惡之心所係豈淺鮮哉南
和縣志自乾隆十四年前令
周君章煥重修後迄今百有

十五稔矣其間戶口之繁增
河道之淤塞人事之變遷節
孝之湮沒與夫職官選舉諸
端年愈遠則愈難稽志之固
宜急矣庚寅仲冬予承之斯
邑下車伊始即有志於期願

以簿書鞅掌民事多艱撫字
催科無須叟之間則亦置急
務為緩圖矣今年冬諸務次
第就理遂得專事斯志顧自
念生平才識淺陋一行作吏
學久拋荒爰請李君仁生查

君芸軒分司其事匡予不逮
二君皆嗜古之士參稽悉當
取舍綦嚴閱兩月而書成其
間如天文辰鎮二星易位者
正方向也寺觀別為一類不
續列壇廟之後者示區別也

詘右侯之相業所以嚴出處
之大防列宦續為專門所以
傳循良之遺澤若夫選舉事
實文藝各類乾隆十四年以
前所志者或簡略或遺漏年
湮代遠文獻難徵詎敢強為

附會致滋疑議至新志次舊志之後亦如舊志次舊志後俾數百年之志如一志固不必別訂一編也獨是修之朝廷者則為史修之省府州縣者則為志其名雖殊其為

體則一斯志也得兩君之贊
助固不敢謂長有其三然博
採兼收有善必錄俾後之有
事於此者得資考證儻百四
十餘年之掌故因斯志以麤
傳是則予之厚幸也夫

光緒十九年歲次癸巳嘉平
上浣知南和縣事安徽太平
縣蔭生王立勳序
和陽

文廟自雍正二年大修後迄
今百七十餘年矣風摧雨淋

日見傾圮又城東南隅明時
建有奎星樓文星高照秋闈
獲售者四科十人邑人立四
科十俊坊以表異今亦坍塌
無存矣竊思廟與樓關係一
邑文風豈可坐視摧朽因與

邑紳熟商重修與修志一併
詳呈

大府允准備料件若干時
屆冬令未便鳩工先將志書
修竣待梓廟工樓工擬於來
春再興乃奉母諱去抱歎良

多惟願後之君子續成其事
微特和邑之幸抑亦可以釋
予之憾矣王立勳附識

南
和
縣
志

南和縣志重修序

今

上御極之三年戊午春予承

乏來尹和陽洎今已已十有

二載矣星軺始至首取邑志

而披閱之見夫上下千百年

間風土人物隨時紀載炳麟
麟稱盛於昔而取舍不能無
失是非猶俟論定更有殘闕
疎漏亟須增修以昭示來茲
者心儀圖久乏第以民事多
艱經理不暇未遑能也考邑

志舊本一見於有明宏治年
再見於萬曆年

國朝康熙六年十九年蓋兩
修之距今七十年中

功令更新品物益增人文間
出戶口愈滋暨水利河防建

倉設學凡沿革廢興民生休
戚相關之故非留心世務罕
有能道其詳若遲之又久益
難徵信不將與郭公夏五同
歸闕疑之列哉今歲仲春政
事稍暇乃注意修輯而楮墨

未工不能無潤色之籍得非
事綜古今義存風勵必待害
去利興民安物阜乃可與一
二好學深思之士共成盛舉
耶選拔張子麗農布衣呂子
石莊皆嗜古好修素稱博洽